

欽定大清會典事例

欽定大清會典事例卷一千一百六十五

步軍統領

營制 優恤

優恤。○原定養廉名糧。步軍統領給營額馬軍糧九分。左右翼尉二人。各給營額馬軍糧四分。步軍協尉二十四人。各給步軍糧三分。副尉二十四人。捕盜步軍校四十人。各給步軍糧二分。步軍校三百三十六人。委署步軍校七十二人。各給步軍糧一分。三營參將三人。每人各給馬糧八分。步糧十有二分。遊擊三人。各給馬糧六

分。步糧九分。守備十有九人。各給馬糧三分。步糧五分。千總十有五人。各給馬糧一分。步糧四分。把總三十人。各給馬糧一分。步糧三分。外委千把總四十一人。各給步兵隨糧一分。○康熙三十三年定。巡捕三營馬匹。歲需豆草。戶部每年確訪時價。給發採買供應。每豆一石。外加折耗四升。腳價銀三分。每草一束。外加堆積人工銀四釐。○又定。步軍統領衙門監禁人犯。應需口糧。於戶部支領。煤炭於工部支領。○雍正元年奏准。三營馬匹。每年需豆三萬六千餘石。穀

草六十一萬餘束。照採買價折銀。連閏按季支給官兵。不令招買採辦。此節省升合腳價。人工銀五千餘兩。仍於時價內。每兩扣銀一錢。節存銀庫。○又定豆草價值。令五城司坊官。確訪時價。造報戶部。依所訪價值扣除一成。折給三營官兵。自行採買。○四年奏准。安定門大街草廠衙門入官房一所。共六十七間。作為步軍統領衙署。○五年奉

旨。城外所有官房。一千四百三十四間。地四百畝。有奇。著交巡捕三營官弁取租。存於步軍統領衙門。以為

賞賚番役之用。○九年奏准。將官房租銀內。歲支八  
百兩。以為各官養廉之費。○十年

諭。現今天氣炎熱。著步軍統領於各門設立冰水。解暑  
湯藥。以解行人煩渴。即以工部所窖冰塊應用。如尚  
不敷。動用崇文門宣課司餘銀採買辦理。永著為例。  
其解暑湯藥。交太醫院官定方配製。○又奏准。巡捕  
三營。額設馬兵一千四百四十名。守兵三千五  
百六十名。內除步軍統領坐糧九分。翼尉坐糧  
各四分。參將遊守千把等共親丁名糧三百八  
十五分外。實在充差馬步兵四千五百九十八

名。經制官弁及馬步兵。每年共扣朋銀三千一百四十六兩四錢。尙因辦理公務。無項可動。是以將所准馬價。作為各項公費之用。年終以驗准馬匹開銷。而兵丁之倒馬者。令停遞二三月。以馬乾銀買補。相沿已久。此雖以公完公。但徒有朋銀虛名。究無給價實迹。今將應行裁革之費。一概革除。其必需公項。在於官房租銀內動補。至辦理鄉會武場。及每月兵部堂考各省武弁。八旗生童騎射處墊築馬道。搭蓋棚廠。置備公案旗籌箭垛。修理堆撥器械。激箭救火器具。

等項。歲需銀八九百兩。千兩不等。無項動支。即照各省營況。設立公費名糧之例。將巡捕三營額兵內。每營設公費名糧十分。馬步各半。每年約餉乾銀千餘兩。足敷公用。至於兵丁馬匹。已過五年倒斃。與例相符者。即動朋扣銀。照例每馬定價銀九兩。買補足額。仍赴兵部驗看印烙。○十二年奏准。步軍統領衙門捕盜官員。三營將備。以及番役等。拏獲人犯。向無公所羈禁。皆原差領回看守。聽候審擬。是以臺役人等。藉口守候待質。飲食盤費之需。致滋弊竇。今於衙署

之內。設立羈禁審犯之所。仍照監犯例支領柴米。別委弁兵看守。以杜兵番之藉端勒索。但公署現無餘地。且問事之處。密邇街衢。亦多未便。即以瞻雲坊官房一所。計九十四間。作為衙署。舊有之官房六十七間。仍交與內務府查收。又奏准。巡捕三營遊擊守備。向無官給衙署。是以隨地出資僦居。不得於本汛緊要地方居住。現在內汛皆然。其外汛在鄉。更難得堪作官廨之所。皆於關廂附近。租賃民房。既不便稽查巡緝。且措辦房租。實屬拮据。照五城坊官之例。於



該汎適中地方。給予官房。以為衙署。似於汎守  
有益。現在京城官房。可作衙署者。共五十處。其  
房間多寡不等。酌量分撥。將阡兒衙衙官房一  
所。擬用二十九間。撥給中營遊擊。棉花衙衙一  
所。撥給西南一守備。上三條衙衙一所。撥給東  
南二守備。各十有七間。朝陽門外大街一所。計  
十有七間。撥給外正東守備。左安門外石佛庵  
一所。撥給外正南守備。十有四間。左安門外興  
隆寺一所。撥給海子牆守備。十有六間。爛麪衙  
衙一所。撥給南營遊擊。二十八間。小市一所。撥

給東南一守備。牛街口一所。撥給西南二守備。各十有八間。西直門外關廂西一所。計二十間。撥給外南一守備。東河沿一所。撥給內北東守備。延壽寺街一所。撥給內北西守備。各十有六間。東直門外一所。撥給外東北守備。十有七間。德勝門外一所。計十有二間。撥給外西北守備。朝陽門外一所。撥給外西一守備。十有六間。再中營外東南汎內。及北營遊擊駐紮之處。皆無官房。南營外南二。外南三。汎內。雖有房屋。而間數不敷。將安定門外官地二畝有奇。撥給北營。

遊擊。廣渠門外馬館地內。撥給外東南守備一畝。令其起蓋衙署。右安門外官房七間。增蓋四五間。撥給外南二守備。廣甯門外官房五間。增蓋六七間。撥給外南三守備。其所需工料銀。即於本衙門存公房租內動用。工竣日。造冊咨送工部覈銷。○十三年奏准。增設司務一人。筆帖式四人。於房租銀內。每歲給銀三百兩。以為養廉飯食之費。○乾隆三年奏准。步軍統領衙門。設有員外郎二人。主事二人。司務一人。筆帖式十有二人。書吏四名。每年司官支領飯銀一百

兩筆帖式支領飯銀五十兩均於房租銀內給發。但筆帖式差務繁雜所得飯銀實不敷衣食輦馬之用。至書吏向無飯銀供役維艱往往懸缺。召募乏人。嗣後筆帖式每人歲增銀三十兩。書吏每月各給銀四兩。統於房租銀內給發。

六年奉

旨。巡捕三營兵丁向未給有生息銀。步軍統領衙門入官房租一項除積年公用外現存銀萬餘兩著以九千兩賞給巡捕三營生息以為惠濟兵丁之用。其如何委官經營該統領酌量辦理。欽此。遵。

旨議定。步軍營所轄八旗三營大小各官約五百餘員。其中不免乏用之人。分別等次。定以三四十兩之數。有願支借者。取保借給。每月二分取息。四季扣俸完本。俟得息銀。即酌量開賞。仍於年終造冊報部查覈。現在暫以二分起息。俟日久息多。酌量裁減。於奏銷冊內聲明報部。○又議准步軍營內舊無帳房。該兵丁等每遇出差巡邏修道等事。皆係露宿。當三冬嚴寒雨雪時。殊堪憐憫。今於每旗滿洲設帳房二十架。蒙古漢軍各十架。共需帳房三百二十架。即在工部庫存。

項內撥給應用。○又議准內外營馬草料均有  
一定價值。獨三營馬匹給領豆草。由五城司坊  
官採訪時價。呈報戶部支放。價貴之時。每月營  
馬一匹領至三兩三四錢。價賤之時。領至二兩  
一二錢。至一兩八九錢不等。多寡懸絕。漫無一  
定章程。其中開報經手胥吏。不免隨意高下。且  
營中每不能如期關領。致有借貸墊用。加息償  
還之累。嗣後三營馬匹豆草。無論年歲豐歉。價  
值低昂。酌中覈定。每月營馬一匹。給銀二兩五  
錢。戶部按月支放。免其扣存。加一節省。按照實

數覈給。仍於歲終將領過銀數造冊咨送戶部查覈題銷。○七年奏准三營生息銀照直省滋生銀例。每月以一分五釐取息。○九年奏准巡捕三營數年以來生息銀至六千四百四十餘兩。自應酌量開賞。但當差兵丁為數甚多。若遇婚喪等事。概行賞給。恐不敷用。自本年四月起三營兵丁。遇有喪事。交該營參遊守備等官。詳細查明實係父母本身妻室。照直隸例賞銀四兩。先行開賞。如有父子兄弟同在營食糧者。不得重領。至漢軍兵丁。除有父子兄弟在旗當差

者。遇有喪事。該旗領賞外。其實止本身在營食糧者。移咨該旗交該參佐領查明。出具印結。咨送步軍統領衙門。照民兵例賞給。其喜事暫行停賞。俟息銀數用日。再行議給。統於年終報部查覈。○十年奏准三營兵丁。遇有喜事。照直隸例。每名賞銀二兩。○十一年奉

旨。出差之翼尉等。著照副都統之例。賞給幫銀。○二十一年奏准。移步軍統領衙署於

地安門外日中坊橋之東。○三十五年奏准。三營生息銀兩。除每年應用外。實存銀五萬二千九



十五兩零。覈計放給三營八旗十六門官員及步軍統領衙門官員領借之數。留四萬兩。足敷應用。所有乾隆六年原撥房租銀九千兩。即行歸款。○四十六年議准。巡捕三營。現有將備衙署二十五座。今改為五營。添設參將遊擊都司共九員。裁汰守備一員。除阜成門外。移設右營參將衙門。將宣武門外舊北營參將衙署。折挪改蓋。又廣甯門外。新設右營遊擊衙門。將舊中營遊擊衙署。折挪改蓋外。另添衙署八座。其千總把總等。向無衙署。係賃房居住。遇有升調。該

弁仍居舊地。前往新任當差。殊多未便。均量給予衙署。以便防守。至三營各汛。舊有官廳二十九座。今添兵改為五營二十三汛。按照地勢情形。添建官廳十七座。舊有堆撥六百九十四座。再添堆撥二百四十二座。○又定挑補名糧。議給武職養廉案內。京營步軍統領。歲支養廉銀八百八十兩。副將。歲支養廉銀九百兩。參將。歲支養廉銀六百兩。遊擊。歲支養廉銀五百兩。都司。歲支養廉銀三百兩。守備。歲支養廉銀二百四十兩。千總。歲支養廉銀一百四十兩。把總。歲

支養廉銀一百兩。外委歲支養廉銀二十兩。○  
又奏准。步軍統領衙門。原有發交兩淮生息銀  
一萬兩。分給衆商。每年解交銀一千二百兩。作  
為官員書役飯食紙張及一切辦公之用。近經  
改設五營。各官員有分隸稽查之責。較前倍增。  
並須多募書寫之人。其紙張飯食等項。即於五  
營生息銀內。撥出銀一萬兩。一併交與兩淮鹽  
政。分給衆商生息。以資辦公之用。○四十七年  
奏准。巡捕營向有生息銀兩一項。所得息銀。作  
為隨圍官員幫貼墊道步甲飯食等項之用。而

兵丁紅白賞恤亦於此內動支。按年咨部覈銷。今賞恤各省行伍兵丁紅白銀兩奉

旨支給正項。所有五營兵丁紅白賞恤每年約需四千兩。分為兩季。由戶部每季支領二千兩。存儲步軍統領衙門。遇有紅白事件。覈實給發。年終咨部覈銷。又巡捕營公費名糧一項亦係在兵額之內扣存。此項公費銀兩營中之所必需。凡遇收拾救火器具及一切考驗棚座並零星黏補軍器等項皆係動用公費銀兩。現在五營一年所需不過六七百兩。今兵丁賞恤既由戶部請

領所有生息銀。除給隨圍官員幫貼及墊道步甲飯食之外。尚有所餘。其營中公費。即於此項銀內支給。以免動用正項。○又奏准。五營操演需用帳房旗纛號衣號帽烏槍弓箭撒袋長矛等項。向由工部製造。但未便請領正項。而步軍統領衙門。又實無可動之款。現在五營所添馬兵。每名給馬一匹。共馬二千六百九十八匹。先購買六百九十八匹。其餘馬二千匹。暫停購買。俟秋間再行派員出口買足。此項停買馬匹。自五月起至八月止。應支草豆馬乾銀。約三萬餘。

兩。足敷製造軍裝之用。即在此項銀內。由戶部支領。交與工部及時製造。以便給發操演。○五十九年。奏准。京城內原設有柵欄一千二百五十座。隨柵欄堆房一千四十三座。此項柵欄堆房。均在巷口安設。朝夕啟閉。風雨摧殘。易於損壞。一經修理。動輒需銀十餘萬兩。所費不貲。計惟設法歲修。庶為簡便。現在步軍統領衙門所屬八旗領催步甲。共有一萬三千餘名。每月應領餉銀三萬五千餘兩。此內不無稍有平餘。若於每兩扣存二分。一歲即可扣存銀八千餘兩。

足敷歲修之用。所有每月應領餉銀冊結。仍照例由各該旗造報。屆應領餉銀制錢之日。即照五營領餉之例。由步軍統領衙門。出具印領赴部支領。按年估計興修。如有贏餘。歸入次年備用。六十年奏准。步軍統領衙門八旗五營。應用一切軍裝及救火器具等項。閱十餘年修理一次。需銀數萬兩。殊難籌款。惟有定為歲修之法。庶可節糜費而資實用。現在五營額設馬四千匹。照例在官兵餉銀內。每年朋扣銀八千九十兩四錢。除支銷馬價之外。所餘朋銀例解戶

部充餉。但前項朋銀原係官兵本身應得餉銀。內扣存之項亦因官兵等於營馬餵養有方。得資節省。將此項節省銀兩。毋庸解部。即留存步軍統領衙門。為歲修八旗五營軍裝。以及救火器具之用。如積有贏餘。另行覈實報銷。至倒馬皮臟銀兩。及兵部飯銀。仍照例撥解。○嘉慶四年定。左右翼總兵。每年各給養廉銀八百兩。○六年

諭。從前步軍統領一員。定例歲給養廉銀五百兩。嗣經部臣議奏。刪除額支名糧。改給養廉案內。將京營提



督一員。原支名糧。改給養廉銀八百八十兩。其原定養廉銀五百兩。並未刪除。本屬疏漏。向例管理部旗大員。有兼任者。各按養廉較多之任支給。不准兩任兼支。今左右翼總兵現兼任副都統。俱准支京營總兵養廉。其副都統養廉。不准兼支。至此後步軍統領。如係兼管旗務之員。准照養廉較多之任支領。不准兩任兼支。著為令。○又奏准八旗五營堆撥。向動五營生息銀四千八百兩。作為歲修。本年被雨塌塌倍常。現須修理。無項可動。惟前交兩淮生息銀二萬兩。每年解交。息銀二千四百兩。作為官

員書役紙張飯食及一切辦公之用。應令兩淮鹽政於閒款內借動銀十萬兩。以為此次修理房屋之費。其前項每年應解息銀。即令按年扣還歸款。至每年在兩淮息銀內支用各款。向有每年留存朋扣餘銀六千餘兩。原為歲修五營軍裝器械之用。前經奏明新定。

熙春園等處河道。每年歲修。約用朋扣銀二千餘兩。再於朋扣餘銀內撥給銀二千四百兩。以抵兩淮息銀公項之用。此外尚有朋扣餘銀一千餘兩。所有歲修軍裝器械之需。仍可於此項內

動用。○七年奏准。向來步軍翼尉等出差。均照副都統之例。辦給幫銀。領騎官馬。今添設左右兩翼總兵。亦照副都統之例給予。○十九年奏准。添練另戶步甲技勇四百名。分為四場。由廣儲司暫借制錢五萬串。發交長蘆鹽政生息。每年應得利銀六千兩。以三千五百兩作為四場公費。以二千五百兩歸還原款。俟原款歸清後。此項利銀。入於另款備賞。又續發明扣項下銀一萬兩。仍交長蘆鹽政生息。每年應得利銀一千二百兩。同前款共計四千七百兩。作為四場

公費。○道光二十二年奏准。四場步軍校十六員。每名給公費銀二兩。正教習八名。給公費四兩。副教習八名。給公費二兩。六品領催。給公費二兩。俟補授委步軍校。即行裁撤。金頂領催。給公費一兩。各兵公費。概行裁撤。惟合操之期。給予飯食銀四分。以上各款。均由長蘆利銀項下支給。毋庸另議增添。○又奏准。步甲歸併錢糧。後。遇有紅白事件。照食三兩錢糧執事人等之例。一體給予。

恩賞。○咸豐七年奏准。每月放給八旗步甲錢糧之

外。有夾包紙張銀八十兩。折錢三百二十串。現在改放錢票。無須夾包。即以此項錢文。每月再由辦公項下。撥出錢四百八十串。每月每旗給錢一百串。作為購買黃土墊道並修補布帳等項之用。○同治六年奏准。由戶部按月先行借放銀一千六百兩。以資辦公。如有贏餘。另儲以備道差之用。俟兩淮應解利銀按年如數起解。即奏明停領。並陸續分年解部歸款。○又奏准步甲並技勇兵所食米石。均由各旗將應領米數造冊分咨戶部倉場及步軍統領衙門。徑由

步軍營赴倉領取。按名發放。以歸簡易。○光緒十年奏准。技勇營練兵。每名月給口分銀一兩。共每月加銀一千兩。至帶隊各官之津貼。演打鉛丸之獎賞。添補旗纛號衣。辦理文冊。心紅紙張。一切公項。每月加賞銀二百兩。以為辦公之費。



欽定大清會典事例卷一千一百六十六

神機營

建置

設官

兵制

建造兵廠

餉乾賞恤

設官○咸豐十一年設神機營以王公大臣為  
管理大臣專理營務訓練官軍所屬設總理全  
營事務翼長三人總理文案處翼長二人委翼  
長二人幫辦翼長二人委員二十九人書手三  
十人總理營務處翼長二人委翼長二人學習  
翼長三人委員四十五人差委七十四人書手  
六十四人印務處委員二人書手四人糧餉處



翼長一人。委員六人。書手六人。覈對處翼長一人。承辦章京一人。委員七人。書手二十四人。稿案處翼長一人。委員五人。書手七人。軍火局管帶官一人。營總一人。辦事章京二人。書手三人。軍器庫管帶官二人。委翼長二人。管庫章京二人。委員六人。書手十五人。槍礮廠總辦二人。委員二十七人。書手六人。機器局總辦三人。提調二人。總監工一人。委員十人。辦事官二人。書手十九人。馬步隊兵二十五營。專操管帶二十四人。幫操二十五人。營總四十一人。令官十七人。

○又定。管理神機營事務大臣無定員。由特簡。○是年。由禮部

頒發道光十九年所鑄神機營銀印。○又

諭著派議政王會同醇郡王督率都統瑞麟侍郎文祥

崇綸署都統福興副都統遮克敦布管理神機營事務。所有神機營印鑰著議政王佩帶。○又奏准每隊

增設專操大臣。幫操侍衛章京。俾資統率兩翼前鋒八旗護軍營擡槍馬隊專操大臣二員。幫操侍衛章京四員。帶隊章京二十員。

圓明園擡槍隊專操大臣二員。幫操侍衛章京二

員帶隊章京二十員。健銳營外火器營兩營馬隊專操大臣二員。幫操侍衛章京二員。帶隊章京二十員。八旗滿洲蒙古驍騎營擡槍隊專操大臣二員。幫操侍衛章京二員。帶隊章京四十員。八旗漢軍槍營專操大臣一員。幫操侍衛章京一員。帶隊章京十八員。八旗漢軍藤牌營專操大臣一員。幫操侍衛章京一員。帶隊章京十員。八旗漢軍礮營專操大臣二員。幫操侍衛章京三員。帶隊章京二十四員。各旗營挑選雜技兵專操大臣二員。幫操侍衛章京三員。帶隊章

京二十八員。內務府精捷營技藝隊專操大臣一員。帶隊章京四員。內務府三旗幼丁隊專操大臣一員。幫操侍衛章京二員。帶隊章京十二員。○同治元年奉

旨。所有新造銅鍍金陽文合符十四件。信礮牌一件。象牙上半面信牌一件。著留中。其陰文合符十四件。及象牙下半面信牌一件。著交軍機處轉傳各該衙門該營祇領。敬謹收存。以昭信守。其各該衙門該營原存陰文合符。著即傳知繳還。造辦處銷毀。本營遵領陰文合符一件。敬謹收存糧餉處庫內。○三年奏准。

增設威遠礮隊帶隊章京十二員隊長十二名  
○四年奏准增設威遠隊總令官二員副令官  
二員帶隊章京十二員管隊官四十八員分教  
官四員副分教官四員○五年奏准添練馬隊  
八百名每隊設幫操二員營總二員增帶隊章  
京十六員又以

圓明園擡槍隊人數較多增設營總二員○光緒  
二十一年奏准將馬步二十五隊改為威震制  
勝隊名目分為左右前後各營改派專操管帶  
二十四人幫操二十五人營總四十一人令官

十七人。

兵制。咸豐十一年奏准。行知各旗營內務府。挑選精壯兵丁一萬名。八旗兩翼護軍營。調擡槍兵五百名。馬隊五百名。

圓明園。調擡槍兵九百名。健銳營外火器營兩營。調馬隊兵一千名。八旗滿洲蒙古驍騎營。調擡槍兵二千四百名。八旗漢軍槍營。調排槍兵八百名。八旗漢軍籐牌營。調籐牌兵四百名。八旗漢軍礮營。調礮兵一千二百名。各旗營挑選雜技兵一千四百名。內務府精捷營。調刀矛技藝。

兵二百名。內務府三旗調烏槍兵七百名。又定所調兵丁。如有不堪訓練者。隨時咨駁。○同治元年奏准裁撤八旗漢軍礮隊兵七百名。並帶隊官十四員。飭令回旗當差。○又奏准本營籐牌兵四百名。撤回本旗自行操練。○三年奏准調回赴津訓練洋槍隊京兵歸神機營訓練。並抽撥內火器營官兵。一律操演。以成一軍。槍隊每六十四人為一小隊。需帶隊章京一員。管隊官三員。隊長六名。合十小隊為一大隊。隨隊礮車四輛。需帶礮章京四員。隊長四名。兵五十

六名。馬四十匹。再正副號令官二員。正副分教官四員。辦事章京三員。幫操章京二員。督操章京一員。差委章京一員。以及隊內執令聽差書手備用餘兵。共計一百四十名。統計兩翼洋槍礮隊。共需官一百十四員。兵一千八百名。礮車八輛。馬八十匹。○又奏准。兩翼技藝隊。現在改練洋槍洋礮。改為威遠隊。○四年奏准。兩翼威遠隊。增設官兵一千二百名。統由內火器營閒散內咨調。儘閒散不敷。揀補。即由該營養育兵及正身兵丁內抽撥。○又奏准。添調八旗滿洲



蒙古槍兵二千名。隸本營教練。○又奏准本營  
揀選威遠隊官兵赴津練習馬隊。即由威遠隊  
內揀派營總二員。帶隊官十員。兵五百名前往。  
○五年奏准本營馬隊官兵不敷調撥。於健銳  
營增設一百名。內火器營增設二百名。外火器  
營增設一百名。

圓明園增設三百名。左右翼前鋒八旗護軍營增  
設一百名。○又奏准威遠隊再行增設官兵二  
千名。由健銳營外火器營挑選精壯各一千名。  
○又奏准添練馬隊一千五百名。即將本營左

右翼前鋒護軍營擡槍兵五百名。改為馬隊。並  
於八旗滿洲蒙古挑選精壯閒散一千名。為左  
右翼驍騎營馬隊。○光緒元年。奏准汰除兵額  
八百五十一名。○二十一年。奏准變通隊伍。增  
減官兵。將馬步二十五隊。改為威靈制勝隊。名  
曰馬隊。左翼五營。健銳營馬隊。改為中營。設專  
操一員。幫操一員。營總二員。官兵二百七十二  
員。名。左翼前鋒護軍營馬隊。改為左營。設專操  
一員。幫操一員。營總二員。官兵二百七十二員  
名。左翼驍騎營馬隊。改為右營。設管帶官一員。

幫操一員。營總二員。官兵二百七十二員。名。驥  
字馬隊。改為前營。設管帶官一員。幫操一員。營  
總二員。官兵二百七十二員。名。內火器營馬隊  
改為後營。設管帶官一員。幫操一員。營總二員。  
官兵二百七十二員。名。馬隊右翼五營。外火器  
營馬隊。改為中營。設管帶官一員。幫操一員。營  
總二員。官兵二百七十二員。名。右翼前鋒護軍  
營馬隊。改為左營。設管帶官一員。幫操一員。營  
總二員。官兵二百七十二員。名。右翼驍騎營馬  
隊。改為右營。設管帶官一員。幫操一員。營總二

員。官兵二百七十二員名。駿字馬隊改為前營。  
設管帶官一員。幫操一員。營總二員。官兵二百  
七十二員名。

圓明園馬隊改為後營。設管帶官一員。幫操一員。  
營總一員。官兵二百六十六員名。震字馬隊改  
為開花礮隊。設管帶官一員。幫操一員。營總二  
員。官兵二百七十二員名。步隊左翼四營。捷字  
隊改為左營。設專操一員。幫操一員。令官二員。  
官兵一千二員名。精字隊改為右營。設管帶官  
一員。幫操一員。令官二員。官兵一千二員名。健

字隊改為前營。設管帶官一員。幫操一員。令官二員。官兵一千二員。名漢軍排槍隊。改為後營。設管帶官一員。幫操一員。營總三員。官兵五百員。名步隊右翼四營。勝字隊改為左營。設專操一員。幫操一員。令官二員。官兵一千員。名銳字隊。改為右營。設專操一員。幫操一員。令官二員。官兵一千四員。名利字隊改為前營。設管帶官一員。幫操一員。令官二員。官兵一千二員。名漢軍礮隊。改為後營。設管帶官一員。幫操一員。營總二員。官兵五百二員。名步隊中營五營。威震

制勝隊改為中營。設專操一員。幫操二員。營總四員。令官三員。官兵一千六百九員名。左翼驍騎營擡槍隊改為左營。設管帶官一員。幫操一員。營總二員。官兵五百二員名。右翼驍騎營擡槍隊改為右營。設管帶官一員。幫操一員。營總二員。官兵五百二員名。

圓明園擡槍隊改為前營。設專操一員。幫操一員。營總三員。官兵一千二員名。幼丁隊改為後營。設專操一員。幫操一員。營總二員。官兵五百二員名。中營步隊改為威遠制勝親兵小隊。營總

一員。官兵二百五十五員名。

建造兵廠。○咸豐十一年奏准。選八旗官兵。各按屬地設立公所。就近操演。○是年。建神機營。署於煤渣衙衙。設八旗頭起馬隊兵廠於國子監西及紅橋南。○同治元年。設中營小隊廠於羊肉衙衙。內火器營馬隊廠於方家衙衙。左翼驍騎營擡槍隊廠於東長安街。右翼驍騎營擡槍隊廠於觀音寺。幼丁隊兵廠於西安門內。八旗漢軍排槍隊廠於東四牌樓十二條衙衙。八旗漢軍礮隊廠於老君堂及小東嶽廟。○三年。

奏准改帥府園鐵錢局為操練洋槍處所。○四年設兩翼黃旗隊廠於老君堂並德勝門內果子市兩翼紅旗隊廠於總布衙衙並機織衙衙衙又於東四牌樓五條衙衙孝順衙衙大帽兒衙衙興隆街分設兩翼白旗隊四廠。○五年奏改八旗擡槍隊為二起馬隊分設廠於國子監西及公用庫。○又奏准分威遠隊為捷勝精銳四營捷字營仍駐帥府衙衙勝字營仍駐皮庫衙衙移銳字營於三不老衙衙移精字營於北新橋鐵錢局局向為護軍營內火器營兵廠至



是遷二隊於國子監官房及方家衚衕。又設兩翼黃旗擡槍隊。廠於花枝衕衕及西城觀音寺。又設左翼駝騎營馬隊兵廠於鼓樓大街。設右翼兵廠於北鑼鼓巷。○六年奏准建立軍器火藥兩局於西直門外迪南。○十年奏准為

南苑駐操各營建立兵房。至十二年凡成馬步隊營盤二十二座。瓦房五十九間。灰房七百十三間。土房三千六百四十六間。營門四十六座。濠牆四千四百二十四丈。○光緒四年奏准將正黃旗馬團改歸礮隊兵廠。○五年奏准於東安

門內銀間建房一區。為各隊輪直兵廠。○七年。移紮幼丁隊於銀間。並酒醋局兩廠。○九年。創建機器局。○十年。建機器局於磨石口。○十九年。奏准將陳槍營與右翼驍騎營排槍隊兵廠互相更換。

餉乾賞恤。○同治元年。奏准。

南苑所需操兵公費。前已奏明。由部籌撥。擬請。

飭交左都御史文祥侍郎崇綸在京專司稽覈。每月俟部款到營。先期知照。

南苑擬令專操大臣一員到署兌領。其在京操演。

官兵一千餘名及辦理各項公費銀兩即由戶部籌出兵餉內擬給。○又奏准每月管理神機營事務王大臣薪水銀四百兩專操大臣五十兩幫操侍衛章京二十兩翼長二十兩隨營差委侍衛二十兩隨營差委章京十二兩營務文案委員十二兩各營營總十五兩各隊辦事委員十二兩帶隊章京十兩馬隊教習十二兩醫生官十二兩蒙古醫生官七兩醫生獸醫兵五兩馬隊隊長七兩馬隊兵五兩步隊隊長四兩步隊兵三兩辨文書手四兩聽事有馬兵五兩

各隊執事兵三兩營務文案處各隊心紅蠟燭  
銀二百六十兩八錢城內分操兵一兩五錢幫  
操章京八兩帶隊官五兩隊長每名加五錢辦  
事委員五兩書手兵一兩五錢閫署心紅紙張  
火食等項每月四十兩各隊心紅紙張等項每  
隊四兩○又奏准以各省軍需浩繁由部按月  
實撥銀二萬五千兩本營每月不敷支放將官  
員薪水量為覈減兵丁改放口分銀二兩五錢  
○是年

諭現在馬隊兵丁一千名馬乾不敷餵養著加恩每兵

再賞給銀五錢以示體恤。○又

諭在苑官兵如有病故者。官員卹給棺木銀五兩。兵丁卹給棺木銀三兩。仍令該營派人送回安葬。○又奏准分別增減官兵公費。翼長加銀五兩。差委侍衛章京加銀三兩。辦事委員加銀二兩。書手加銀五錢。隊長隊兵加銀五錢。小隊教習加銀一兩。小隊善撲技藝兵加銀一兩。郭什哈馬匹每匹加銀五錢。每隊加紙張銀一兩。每廠添煤炭銀五兩。兩翼辦事章京減銀一兩。糧餉營務文案委員內五員各減銀一兩。技藝兵加銀五錢。

○又奏准撥派各營援勦馬步官兵置裝銀兩  
每官給銀五兩每兵給銀三兩○又奏准前調  
商都馬六百匹不敷分放復調商都太僕寺馬  
一千五百匹解送到營當即分放各隊一千三  
百四十三匹除倒斃外實存馬三十五匹現在  
吉林黑龍江西丹兵業已到營所存馬匹不敷  
分放請由太僕寺再調馬四百匹以備應用○  
三年奏准由天津撤回洋槍隊兵仍照章每名  
月給公費銀三兩惟

圓明園健銳營外火器營官兵住署操練距家輔

遠。每月各加銀一兩五錢。並調取洋馬十二匹。每匹給乾銀五兩。○又奏准操練洋槍隊一千八百名。除兩翼兵一千名口分。仍由本營月領戶部銀二萬五千兩內發給外。所有新增兵八百餘名。及帶隊官薪水。礮車馬匹餽養等項。每月尚需銀三千兩上下。請

飭下戶部於月給二萬五千兩之外。月增銀三千兩。同月領口分。一併給發。○又奏准洋槍隊官兵公費數目。督操章京八兩。幫操章京八兩。差委章京五兩。總令官八兩。副令官六兩。辦事章京

四兩帶隊章京五兩管隊官四兩帶礮章京四兩分教官四兩副分教官三兩隊長二兩五錢兵二兩洋馬每匹五兩差馬每匹二兩五錢心紅紙張二十八兩看庫官兵津貼二十兩外火器營

圓明園八旗健銳營官兵每員名津貼一兩五錢。○又奏准新調天津洋馬二十四匹。每匹月給銀五兩。其錦州捐輸馬四十四匹。察哈爾購買馬四十四匹。均按洋馬馬乾酌減五錢。其餘馬一千七百餘匹。每匹月給銀三兩。○又奏准洋槍隊



礮車需用馬匹。除調撥洋馬十二匹。尚缺馬六十八匹。若統用洋馬。則買價過昂。馬乾甚費。咨由察哈爾都統錦州副都統購買。其價值即由本營月餉餘賸款內發給。○又奏准本營增設礮車十二輛。所需馬匹。請由

盛京將軍採買駕車轅馬一百二十四匹。所需馬價。統由本營發給。○四年奏准酌添威遠槍隊。請由戶部於月餉之外。每年再行撥給餉銀四萬五千兩。按月分領銀三千七百五十兩。○又奏准因增調官兵六千餘名。每月由戶部撥銀一

萬六千兩。○又奏准因增設威遠礮車。每年由總理各國事務衙門撥銀一萬五千兩。○又奏准本營全營翼長每月公費銀十五兩。請於分操赴

南苑時。每月各給公費銀二十五兩。○又奏准本營向章。凡遇撤回城內月分。所有專操大臣及幫操侍衛等。均不支領薪水公費。現在逐日操演。擬將專操大臣。全營翼長。各給銀二十兩。幫操給銀七兩。隨營差委給銀五兩。○又奏准南苑兵房。仍按舊章。由本營餘存款下籌撥銀五

千兩交

奉宸苑承領建蓋。○五年奏准。因增練二起馬隊。由戶部每月撥銀一萬兩。○六年奏准。前由步隊內選擇兵丁五百名。配給馬匹。帶赴天津。延訪洋人教演。現在調回。另擬添撥。所有此項隊伍月支餉乾。原有應領步隊口分。每年共一萬二千餘兩。今係以步改馬。應加給馬乾。計每年尚不敷銀四萬三千兩。查本營由戶部籌給。每年所增練兵經費十二萬兩。計開放本營餉乾九萬四千餘兩外。僅餘銀二萬五千兩有奇。以

之開放此項尚短銀一萬八千兩擬咨部按月籌給一千五百兩。又奏准本營原練馬隊弁兵四千名擬仿照天津調回馬隊月支公費馬乾一律加給以昭平允。所有隊長原支四兩五錢隊兵原支四兩每名無論在城在

苑均按七兩之數加給。各帶隊官亦擬於撤回城內之日月加馬乾三兩其隊長在

南苑之日原係支銀七兩毋庸再議加給其餘官兵每年需餉甚鉅請

飭戶部每月再撥給銀一萬兩以備開放增給馬乾

之用。○七年奏准本營官員三年奏保。改為逾  
四年。

奏獎一次。弁兵每年咨保。改為逾二年咨保一次。  
○八年會同總理各國事務衙門奏准。由總理  
衙門船鈔項下。每年撥銀二萬兩。作為由天津  
撤回之驛字馬隊經費。其不敷銀。由本營摺節  
項下添籌備用。○又奏准本營派隊征防。統帶  
大員。照章覈給。每月薪水一百五十兩。並由備  
用雜款項下動支。○九年奏准。前鋒護軍等十  
營。每年由廣儲司所領經費無餘。未能津貼官

兵查各旗槍兵均係每名月給銀一兩該營鳥槍兵每月僅支銀一錢五六分前經奏請由經費項下認真節省由該統領等酌覈作為津貼分放今據咨稱並無餘存擬將本營庫存項下每年撥給銀二千兩作為該營操演津貼庶於操務有裨○十一年奏准

南苑各隊營盤連年因雨損壞通盤計算共營盤二十二座瓦房四千餘間並牆垣井座等工一律修建計需銀十萬數千兩前曾奏明上年秋季及本年春季暫停撥隊前往今仍擬將本年

秋季至明年春季停止所省操餉約銀十二萬兩抵作修理營盤之用。○十二年奏准酌添練餉。每月由戶部增給餉銀三千兩。○光緒元年奏准現在汰兵減餉。每月節省銀三千八百七十兩。自六月分起由部停領。○九年奏准本營照章每月由部支領月餉銀六萬八千三百八十兩。○十一年因戶部條奏規復在京官兵俸餉。本營奏准每年由月餉內暫行停領銀十萬兩。○十三年奏准酌給

三海牆外直班營總每員日加津貼銀一錢二分。

隊官一錢。隊兵八分。○十四年奏准請由本營  
每年停領十萬兩內按年勻提銀四萬兩以資  
分放

三海牆外朱車直班官兵經費。○十八年奏准本  
營餉項不敷將停領之款除每年勻提朱車經  
費銀四萬兩外下餘銀六萬兩全數領回。○二  
十二年奏准赴

苑放給行餉每月由戶部加領銀一萬兩。

訓練 操演 軍器

操演○咸豐十一年



諭前據御史曹登庸洪昌燕鄂堃條奏訓練精兵並請簡派王大臣操演旗兵各摺片復據醇郡王條奏訓練旗營章程給事中高延祜條奏整頓京師武備各摺著派議政王會同醇郡王將京旗各營兵丁認真督飭訓練並著率同都統瑞麟侍郎崇綸原任西安將軍福興貴州威甯鎮總兵遮克敦布先將一切章程妥議具奏欽此遵

旨擬定章程十條一請設立公所數處以資操演一請添派專操大臣幫操侍衛以資統率一請行知各旗營挑選精銳兵丁一萬名以敷操演一請

咨調各衙門司員章京等分任文卷營務以專責成。一請由戶部海關稅項下籌撥公費獎賞銀兩以資鼓勵。一請添造各項器械以備應用。一請咨取工部火藥鉛丸以備施放。一請查看八旗漢軍火器營礮位軍器以備調取。一請咨行工部武備院製造旗鼓號令以申紀律。一請頒發印信以資行移。○同治元年奏准。此次兵數衆多。若僅分廠訓練。溫習舊藝。不如示以接仗機宜。攻守變動。隱伏虛實。使其曉暢。臨敵咸知紀律。○又奏准。請將神機營官兵暫移。

南苑以利專操藉地勢之寬敞令專心以講習。其一切辦理諸按軍規。○又奏定春秋二季分撥馬步官兵赴

南苑紮營操演。○二年奏准派赴天津操練洋槍官兵更調操練。曾由總理各國事務衙門奏明在案。嗣據三口通商大臣崇厚將前經本營派赴天津操練洋槍之左翼洋槍隊四排營總號令分教帶隊督隊管官十八員。兵一百九十二名。礮二隊。帶隊官四員。兵三十二名。隨帶成字號洋槍一百九十二杆。並隨槍佩帶什物。每槍

備用鉛箭火藥五十出。備操火藥五十出。來京操練。本營復將左右兩翼隊內揀派老成可靠官二十二員。年力精壯兵二百二十四名。隨帶功字號洋槍二百杆。銅帽十萬粒。並隨槍全分什物等項。派往天津練習。○三年新演合操行陣形勢。各營隊伍聽中軍信礮一聲。八旗漢軍礮車分兩翼出隊。八旗滿洲擡槍。左右翼前鋒營八旗護軍營擡槍。

圓明園擡槍排槍。八旗漢軍排槍。聽中軍號令。均按二龍出水勢。分兩翼出隊。列為一字偃月形。

健銳營外火器營左右翼前鋒營八旗護軍營  
內火器營馬隊亦按兩翼分左右前後雁翅形  
排列馬步各隊到齊由中軍隊傳令發號礮三  
聲兩翼游兵各出馬五匹向前偵探開槍即馳  
回仍歸隊俟中軍傳令擊鼓一通鑼三棒演礮  
三出傳令前進各步隊均吶喊進步中軍擊鼓  
一通鑼一棒各隊均止步鑼二棒各擡槍上臉  
鑼三棒施放一台如是三進三台後排槍衝出  
均按擡槍金鼓號令三進後擡槍隊後衝出三  
進三台共計九進後中軍傳令鳴海螺用前左

前右兩營馬隊由左右翼衝出。各分隊打進步。包抄。吶喊交衝後。中軍傳令退步放槍。擊鼓一通。鑼三棒。擡槍施放一。台。退至排槍隊後。排槍隊不動。聽鼓一通。鑼三棒。排槍施放一。台。再退至擡槍隊後。如此輪番退步。各打三。台。伏兵由兩旁衝出。吶喊開槍。中軍傳令擊鼓一通。俟伏兵槍止收隊。再傳令轉身放槍。又擊鼓三通。鑼九棒。擡槍施放三。台。一連環聽令調隊。如調某隊向某方進攻。中軍即發號礮一聲。舉某隊號旗。繼以方向旗。某隊即以本隊號旗相應。鳴海。

螺由該隊向所指方向操演調隊形勢

圓明園擡槍隊用青紅方旗兩翼合為一隊初進步施放擡槍三出再進步施放一連環三進步又一連環左右翼前鋒營八旗護軍營擡槍隊用紅黃方旗兩翼合為一隊共演三進步每進步施放擡槍三出共三進九台八旗滿洲擡槍隊用黃白方旗兩翼合為一隊演三進一連環八旗漢軍排槍隊用白黑方旗兩翼合為一隊演九進一梅花連環九退一連環變為方城演槍三出一連環再為一字陣幼丁隊用黑青方

旗槍兵兩翼合為一隊。前行排為八卦陣。技藝殿後。槍兵演三進一連環。技藝兵從後衝出。吶喊演習畢。仍歸隊後。槍兵變為六十四隊。演進步連環。改為一字陣。再變為方城。施放一連環。技藝兵從左右兩門出。向前衝擊。畢隨變為混元三才陣。槍兵再演一連環。健銳營馬隊用黃白尖旗。演九進一連環。九退一連環。內火器營馬隊用白黑尖旗。演九進一連環。九退一連環。外火器營馬隊用黑青尖旗。演九進一連環。九退一連環。左右翼前鋒營八旗護軍營馬隊用



紅黃尖旗演九進一連環。

圓明園馬隊用青紅尖旗演九進一連環八旗漢軍礮隊用黑七星旗居中施放九出一連環調方陣形勢中軍放信礮一聲各隊鳴海螺分兩翼出隊左翼槍礮隊左旋右翼槍礮隊右旋分為八門列為方城海螺止中軍舉五色旗搖動內火器營左右翼前鋒營八旗護軍營健銳營圓明園馬隊均由南門馳入按前後左右分隊排列中軍傳令擊鼓一通四面拉隊再將四方旗搖動擊鼓一通鑼三棒四面各演三台一連環。

中軍鳴鑼止槍。舉藍白號旗。左翼前鋒護軍營。右翼前鋒護軍營。擡槍隊在東西兩門。聽金鼓。演三台。一連環槍止。再舉紅旗。

圓明園擡槍隊在南門。聽金鼓。演三台。一連環槍止。又舉黑旗八旗。滿洲擡槍隊在北門。聽金鼓。演三台。一連環畢。中軍舉黑青方旗。調幼丁隊。由東北西北兩門。刺斜衝出。吶喊開槍。由中軍再舉白黑尖旗。紅黃尖旗。調內火器營左右翼前鋒營八旗。護軍營馬隊。由東西兩門衝出。演進步連環。接應幼丁隊。俟幼丁隊演畢。仍由東

北西北兩門退歸方陣內。馬隊再打退步連環。退入東西兩門。中軍傳令撤隊。仍由北門分兩翼內。旋歸成一字偃月形。小隊新陣形勢。中軍放信礮一聲。步隊分兩翼衝出。列成一字陣。馬隊隨後。亦分兩翼排列。看紅旗搖動。槍隊施放三台畢。技藝兵衝出。仍列為一字。看藍旗搖動。分兩翼斜抄。吶喊。槍隊蹲身。再打三台。技藝兵吶喊。直前歸成一字。齊演技藝。兩翼合圍。畢。長矛前進。歸成一字。衝擊。技藝兵撤回。槍隊後。黃旗搖動。馬隊在兩翼轉旗。演槍前進。吶喊交衝。

槍隊再演三台。聽令撤隊。○又奏准前於天津所練洋槍隊之京兵內調回一半。以神機營兵按數撥補赴津。即以由津調回之一半用清語教練神機營在京左翼兵丁二百餘名。○四年本營會同總理各國事務衙門奏准現在威遠步隊專習洋人陣法。其馬隊擬於兩翼威遠步隊內揀選兵丁五百名。另揀營總二員。帶隊官十員。帶赴天津。交崇厚延訪熟習馬上技藝洋官。照教練槍隊章程。朝夕操練。練成之後。亦照槍隊酌調回京。轉相傳習。○又奏准演習夜間

守營應援規條。一每遇傳演之日。由營務處稟請口號。通傳各隊。由某時至某時。一體輪流站牆。備齊槍礮火藥等件。一俟警信。即行操演。不准臨時口傳喧譁。一屆時派員在營南放信礮。作為警信。頭聲。各步隊豫備整齊。扯起號鐘。二聲。向牆外演三台。俟信礮三聲。演一連環。再放信槍。仍前演習。如無警信。俟至所定時刻。散隊。一信槍如在營南施放。各步隊合演。如在某營外施放。該隊即照前傳知演習。其餘各隊。扯起號鐘。嚴加巡視。毋庸放槍。一步隊放槍時。馬隊

即備齊馬匹器械。俟步隊演竣。聽中軍信槍一聲。扯起馬隊號。銜方向。銜即認色出營。按方向作應援追壓勢。行三四里許。演轉旗一陣。整隊回營。一信槍如在馬隊營外施放。該隊即照步隊一體演槍。一每遇傳演日。威遠隊

圓明園馬隊兩營。均一體豫備。一各步隊挑出越濠登牆之精壯弁兵。造冊呈報。以備與中軍小隊一體演練攻營。最優者歸入年終例保。外保舉。一操演日。各營均派六成隊。以三成隊站牆。三成隊在營歇息。輪流更替。俟放信槍。站牆兵

即傳清語。營房內三成隊各按地界站牆豫備  
演竣仍前更替。○十二年奉

旨。派閱兵大臣會同認真校閱本營。遵於每年春秋兩  
季咨行承辦閱兵旗會同閱兵大臣赴

苑閱看馬步全隊合操。其日期由閱兵大臣擬定。  
除中營小隊係步下技藝向不合隊入操外。其  
分隊操演。春季於移操之前。秋季於撤操之後。  
屆期分日在兩黃旗及

圓明園八旗火器營健銳營各教場。公同閱看。○  
十三年九月。

穆宗毅皇帝大閱於南苑恭備合操行陣繪圖進呈御覽並擬

閱操事宜規條二十有四。

閱武臺豫備操演管理本營王大臣在

帳殿前侍班呈遞入操官兵銜名數目清單呈進

陣圖承

旨傳令開操。全營翼長分兩翼在

閱武臺下站班營務文案翼長並各委員等在兩

旁隨同全營翼長站班候管理本營王大臣由

閱武臺上傳令。全營翼長等接傳號令。鳴海螺。搖



令旗開操。壓旗止操。一

閱武臺下站班之全營翼長。各按現管旗分顏色。穿號衣。文案營務翼長委員等穿天青馬褂。佩刀入隊。帶隊之副都統專操大臣。各穿現管旗分號衣。幫操章京營總隊官。均穿本身旗分號衣。或該營號衣。侍衛均穿天青馬褂。各佩刀。一。

聖駕臨幸各

行宮。宮門旁安設帳房。以備管理本營王大臣入直。另設帳房。派委官員。以備聽事。一。

乾清門侍衛等有隨

駕之差。均不入執事。大門侍衛內有不隨  
駕之員。應分派執事當差一。

聖駕到苑

回鑾出苑。本營馬步隊各派隊伍。由管隊之員帶領  
在

大紅門內

御路旁跪迎送候

駕過後。各帶隊伍。整肅回營。一。自

聖駕臨幸

南苑前三日起。在營盤內官兵。不准隨便出入。各

營營門均各謹閉止留一門專派官兵看守啟  
閉除有差使報明出入其餘概不准登牆探望  
亦不准從牆外窺探向牆內接談呼喚並不准  
擅自容留外人在營內藏身借住其有採買食  
物派隊官一員隊長三名率兵數名前往辦理  
均應帶帽穿鞞穿號衣不准便服出入一自

聖駕臨幸

南苑前三日起營盤起更礮天明礮均暫停施放  
起更時中營插鼓一通各隊營盤內用帳房木  
鋸接打一通將牆燈並號燈一齊懸挂查營令

箭到時。開門迎接。聽候點名。一概不准高聲呼喚。傳遞更籌。聲音不准喧譁。二更以至五更。仍由中營擊梆一通。各隊營內應聲打木鐃一通。自起更至五更。各營所打更數。務須舒緩。不得疏密不勻。至黎明。中營播鼓一通。各營均播鼓一通。收更。牆鐙號鐙收下。換立旗燵。至晚間起更時。收旗換鐙。自起更後。各營內官兵休息。應另派支更官兵看守鐙火。一各營外如有買賣街。或肩挑賣物之人。均令挪移遠離。不准切近營牆。亦不准喧呼。如有赴營內送食物之人。於

交清後。即令出營。一。各營內所養馬匹。均在營內拴餵。除有差操。備齊軍器。出營。其餘一概不准牽出。飲水放青。一。各隊專操大臣管帶官。督操章京幫操侍衛章京。除另有差不計外。其餘均令在營內居住。以便稽察管轄官兵。一。各隊刀槍器械。礮位。軍器。旗幟。號衣。鞞帽。礮車。什物等件。均令擦磨修飭。整潔。鉛丸。火藥。火繩。銅帽。弓箭等件。亦應豫為檢點。齊備。槍礮如有應出鋪者。務宜先行洗刷潔淨。如值

駐蹕之日。各營內概不准藉詞出鋪。無故施放。一。豫

備操演之日應出隊伍以及官兵數目。屆時另為傳知。惟於操演日。各隊均於三更造飯四更檢點軍裝馬匹車輛。聽候中營插鼓五通出操之隊於營內應聲插鼓。整齊隊伍。再聽中營插鼓三通。啟隊出營。一各隊出營操演。站隊以及操畢回營。無論夜間白晝。除傳喚號令之外。概不准笑語高聲。一各隊出操以及站隊於初到列隊之地。先按部位豎定旗纛。各按各次。令官兵就地休息。俟傳令齊隊。悉令起立。整肅排列。不准越次擅離。任意坐臥。一豫備操演處所。應

於列隊兩旁並隊伍後面支搭帳房。排列外垣。派撥馬步官兵於排列帳房處所按次站立。以備攔管閒人。控馭逸馬。以期嚴肅。

閱武臺下分兩翼。各設海螺三十架。擇派該管官並加派侍衛帶領管轄。以備轉傳號令。各隊出操列隊。應每隊加派差委侍衛章京委員。隨隊管轄稽查。一健利兩隊赴

苑合操。應撥發帳房。擇地紮營。一威遠精銳兩隊並

圓明園擡槍隊後班官兵。臨時調撥赴

苑。即在捷勝兩隊。

圓明園檯槍馬隊營內歸併住止。房間如不敷用。加給帳房。一各隊實能上操兵丁。無論是何佔役。均令入操。其次酌派執事看營。至於無差老病之兵。查明暫令回城回營。一上操官兵均照實數呈報。儻臨時有別項事故。亦令立即呈報。如有任意增減等情。定將該管隊之員及營總該旗隊官叅處。一各隊專操大臣督操章京管帶官所用大纛。仍按原用顏色式樣。惟將旗面上書寫官銜名字。並書寫某隊隊名。一各隊隊



長隊兵並充當雜差執事之兵均令各帶腰牌書明隊名旗佐花名以便稽察

軍器○咸豐十一年奏准添造各項器械並由八旗漢軍火器各營咨取礮位又增設旗鼓號令咨由工部武備院如式製造○又奏准所用火藥鉛丸均由工部咨取○同治二年奏准八旗漢軍新製礮車一百四十輛修造七十五輛黏修一百十三輛一律工竣動用款項由各該旗自行咨部覈銷○三年奏准添製礮車十二輛合標時工尚未竣當由三口通商大臣處撥

借洋礮車四輛。擬將此項礮車洋馬一併留營。俾資操練。○四年奏准。威遠礮隊原有礮車八輛。不敷應用。由津調洋礮車四輛。並由本營續造八輛。○五年奏准。交內火器營仿副都統玉亮前由軍營解到之小銅噴礮式樣。另製鐵噴礮四尊。○又奏准。由三口通商大臣製造大開花礮八尊。小開花礮四十四尊。並購單筒洋鐵小馬槍三千杆。雙筒銅小洋槍二千杆。解交本營操用。○光緒十九年奏准。由軍火局仿內火器營帶車子母礮式樣。先造十尊。隨全分什物。

撥給火器營操用。嗣再仿造。即歸本營演練。

職掌 守衛 扈從 征勦

守衛○光緒八年奏准。由神機營抽派官兵一千六百員名。分作十班。日易一班。進

內協巡。○十四年奏准於

三海牆外建蓋朱車七十二座。由本營出派官兵二百二十二員名。分住朱車二十三處。按班直宿五日。一更換。晝則巡邏。夜則傳籌。○又設總理直班公所二區。出派官兵等百人。分為六班。隨時稽查。○又奏准於

南海西蠶池口地方。添建朱車九座。由本營加派  
官弁十一員。其守衛兵丁。即由前派兵內抽撥  
勻布。

扈從。○同治四年恭備

東陵要差。本營奏准由馬隊抽派兵一千二百名。令專  
操大臣。全營翼長等員分轄。以四百名恭隨

皇太后聖駕。以六百名恭隨

皇帝聖駕。以二百名豫備紮營各差。每至

行宮卡倫門。分紮營盤三處。其馬兵所攜軍械。計  
背槍者四成。撒袋者三成。長矛者三成。○十三

年恭備

穆宗毅皇帝巡幸南苑

行圍

閱操由本營各馬隊及虎槍處選派官兵四百餘名。計兵之入圍者三百七十名。其旗幟號衣戰裙及弓箭撒袋之屬均備自本營。○光緒十二年恭備祇謁

東陵要差本營援案奏准由各馬隊內抽派官兵一千八百餘名。以六百名恭隨

皇太后聖駕。以六百名恭隨

皇帝聖駕其餘官兵均隨文案營務翼長等沿途聽候差遣。至所需鑼鍋帳房軍械車腳之類均備自本營。

征勦○同治四年奏准派撥官兵二千名前往河間一帶駐防○又奏准酌擬統兵大員帶兵前往奉省勦賊選派威遠隊官兵一千二百名小隊技藝兵二百名健銳火器營馬隊三百六十餘名及吉林黑龍江馬隊八百餘名均交福興統帶並請令尚書文祥督同福興等商籌機宜○又遵

旨撥派駐津洋槍隊五百名馳赴營口扼要駐紮。○六年梟匪由永清奔竄東南本營抽派馬步官兵三千餘名馳往兜拏。○七年擒匪竄擾保定本營抽派官兵四千八百餘名馳赴涿州一帶相機防勦。○又奏准添派健銳營馬隊前往雄縣霸州一帶駐紮防勦。○又奏准抽撥馬步官兵一千三百餘名分赴宣化大同綏遠等處防勦。○九年股匪攻陷烏城本營奏准抽派官兵一千七百餘名前赴察哈爾一帶籌布扼紮。

火器營

建置

設官  
官學

兵制

建造營房

俸餉優恤

設官。康熙三十年。設火器營。以公侯大臣為  
總統。專理營務。訓練官軍。所屬設鳥槍護軍參  
領十六人。旗各二人。鳥槍驍騎參領滿洲旗各  
二人。蒙古旗各一人。管鳥槍散秩官滿洲旗各  
五人。蒙古旗各二人。管礮散秩官滿洲旗各四  
人。蒙古旗各一人。鳥槍護軍校滿洲旗各十人。  
蒙古旗各四人。鳥槍驍騎校滿洲旗各十人。蒙  
古旗各四人。均以護軍營驍騎營官兼任。○又  
定火器營總統無定員。由



特簡參領員缺。由護軍統領該旗都統會同本營總  
統。於該旗參領內遴選引。

見簡用。其管理槍礮散秩官驍騎校員缺。由該旗都  
統於本旗滿洲蒙古散秩官驍騎校內揀選。烏  
槍護軍校員缺。由護軍統領於本旗護軍校內  
遴選。各咨送本營。至止操日。以官軍一半留營  
看守槍礮旗纛衙署。以一半發回本營行走。○  
三十五年。鑄給管理滿洲火器營銀印。○雍正  
三年。奏准。游牧察哈爾八旗護軍。既有總管副  
管統轄。其八旗護軍參領各二人。應撤回。

京師改補火器營烏槍護軍參領為火器營專設  
官。餘仍以各營官員兼任。○四年

諭。嗣後火器營參領員缺著火器營大臣與都統副都

統等公同揀選帶領引見。○九年設筆帖式八人。○

十年奏准以朝陽門內隆福寺前官房一所為

火器營公署。○乾隆四年奏准火器營照前鋒

營護軍營之例於本營護軍參領驍騎參領內

簡命四人協理事務。○二十八年議准火器營所設

烏槍護軍校及烏槍驍騎參領散秩官驍騎校

等向係兼任。嗣後分設火器營專管官員八旗

每旗設營總一人。烏槍護軍參領一人。副護軍參領二人。委護軍參領四人。護軍校二十八人。藍翎長二十八人。仍照護軍營之例。每旗揀選世職官一人。學習行走。所有原設兼任之驍騎參領散秩官驍騎校等官。仍行裁汰。其礮章京礮驍騎校。仍令兼任。○又議奏。嗣後遇有營總及烏槍護軍參領缺出。由本營應放人員揀選賢能者。帶領引

見補放。若不得人。仍查取各處揀選補放。○二十九年。鑄給八旗火器營營總關防各一顆。每旗增

設隨關防筆帖式各一員

由本營鳥槍護軍  
職手領催內考取○

又奏准將火器營善能管轄之護軍校揀選十員帶領引

見賞戴虛職花翎在委署參領上行走俟本旗參領缺出再行奏補○三十九年奉

旨據色布騰班珠爾奏稱伊所管火器營請每旗添設正翼長一員以資管轄兵丁辦理事務於八員營總內委為副翼長二員不准開營總之缺正翼長副翼長等令穿黃馬褂營總章京等令穿鑲白邊黃馬褂護軍校兵丁等仍穿鑲白邊藍馬褂以為標記再蓋

造營房之處。距城不遠。與其賞給官兵搬家銀六萬二千六百零十兩。徒致浮費。請再賞銀三萬七千三百九十兩。共合成十萬兩。孳生利息。以備獎賞等項之用。等語。所奏尚於兵丁有益。即照所請行。補放翼長之處。交該管大臣等於現在八員營總內揀選帶領。引見補放。應給正翼長之關防。俱照健銳營翼長式樣鑄給。除賞給官兵搬家銀六萬二千六百零十兩外。加恩再賞銀三萬七千三百九十兩。共合為十萬兩。交該管大臣等委派賢能章京生息。以備本營獎賞等項之用。○四十一年奉

旨添設總理火器營大臣。○又奏准建置火器營新營  
總理大臣進班公所。○四十六年奏准嗣後火  
器營章京缺出補放曾經出兵者二員。年久差  
使好技藝優長者一員。○同治二年奏准火器  
營原設官員較少。屢次派往出征官員較多。不  
敷分管率操添設空花翎十員。即虛職花翎始  
設於官員派往  
全出師內營添撥三員。外營添撥七員。歸前項空  
花翎一體試用。並仍食護軍校錢糧。俟各官兵  
凱撤歸伍。此項新設空花翎。遇有缺出。即毋庸  
補放。陸續出缺後。仍歸舊例內外營空花翎各

五員。○四年奏准由外火器營鳥槍護軍及閒散出身駁回本旗之雲騎尉世職。援照健銳營成案。調回本營當差。果能奮勉。歸入本營護軍校班內。應升之缺一體選用。○十一年奏准內外火器營。每遇咨取綠營官缺。向與京旗各營一體選用。獨於城守尉之缺。未經咨取。嗣後仿照各營成案。遇城守尉缺出。將本營翼長營總鳥槍護軍參領等官。一併行取揀放。

兵制。○原定八旗滿洲蒙古每佐領下鳥槍護軍三名。鳥槍馬甲四名。礮甲一名。○乾隆二十

八年議准。火器營向於滿洲蒙古每佐領下設  
烏槍護軍三名。烏槍馬甲四名。礮甲一名。計火  
器營兵七千三百九十五名。此內烏槍馬甲一  
項操練迥不如烏槍護軍。應將烏槍馬甲三千  
五百十八名全行裁汰。八旗滿洲蒙古每佐領  
下增設烏槍護軍三名。即以所裁之四名馬甲  
錢糧照護軍例支食。○三十六年設養育兵一  
千名。○三十七年增養育兵三百八十八名。○  
又奏。

圓明園護軍營及健銳營食二兩錢糧之養育兵



改給一兩五錢按四名兵內給養育兵一名又  
火器營另設營房俟修竣移紮後亦照此辦理  
奉

旨著於三名兵內給養育兵一名○嘉慶十年增養育  
兵三百五十名○十一年增養育兵三百名○  
十九年奏准分給外火器營礮甲三百五十二  
缺作為鳥槍甲○道光二十三年議准外火器  
營新添擡槍一百杆本營向有攢跋過馬馬上  
長矛三項技藝共人二百六十名概行裁撤即  
將此項人演擡槍二百名每人槍其餘六十人演

長矛。並將裁撤三項技藝公費。每月樽節銀八十二兩。給演擡槍人三錢。工食一百名。二錢。工食一百名。演長矛二百名。每月給公費銀三錢。每月共放銀一百一十兩。除原有長矛公費銀二十兩六錢。並現撤出三項公費銀八十二兩。每月添放銀七兩四錢。

建造營房。○乾隆三十五年。奏八旗滿洲火器營官兵。俱散居城內城外。不能早晚整日操演。請於距城較近之處。選擇寬闊地方。蓋造營房。分給官兵居住。奉

諭蓋造此項房間。毋庸另擇地方。按旗蓋造營房。安定門德勝門黃寺兩旁地方寬闊。距城較近。著即於彼處分為左右兩翼。蓋造房間。令其居住。○三十八年。建外火器營房於長河西岸。藍靛廠後官廨一千三十四間。官廳義學等房六十間。礮甲連房六千三十八間。圍牆大門樓四座。看牆八道。周圍門樓三千一百七十六座。虎皮石院牆長二萬七丈有奇。曲尺牆三千一百四十座。外圍牆長一千一百六十六丈有奇。隨門平橋四座。牆腳下洩水溝二十五道。護牆河長一千一百八

十餘丈有奇。鑿井十六。建水房十六間。其西門外建翼長廨舍一所。分撥八旗滿洲火器營官員兵丁居駐。○又議准滿洲火器營官兵減半移紮城外新建營房。停止建造右翼營房工程。○又移紮新建外火器營翼長一人。營總委翼長一人。營總三人。鳥槍護軍參領四人。副鳥槍護軍參領八人。委鳥槍護軍參領十六人。鳥槍護軍二千六百四十三名。內鳥槍護軍校一百十二人。鳥槍藍翎長一百十二人。○嘉慶八年。修理火器營房一千十七間。○十六年。修理火

器營房二千六百八十五間。道光元年修理  
火器營房三千五百九間。十八年修理火器  
營房一千八十間。同治七年修理外火器營  
房三千九百八十二間。九年修理外火器營  
房三千二百二十九間。並教場演武廳一座。  
光緒九年修理外火器營兵房公所六百六十  
間。十一年修理外火器營門樓二百六十八  
座。十二年修理外火器營兵房三千四百餘  
間。

俸餉優恤。乾隆二十八年議准火器營鳥槍

護軍參領副參領委參領應得養廉隨甲均照  
護軍營例給領。○又奏准火器營每旗餵養馬  
一百匹。即照健銳營之例分給護軍校藍翎長  
護軍等拴養。每百匹以五十匹備兵丁操演。餘  
五十匹妥為餵養。以備圍場之需。○二十九年  
奏准外火器營拴馬一千五百匹。以資操演備  
差之用。○四十三年奏准城內火器營增餵養  
馬四百匹。○又奏准外火器營支領米石亦照  
健銳營例。由該旗辦檔咨部彙總奏銷。○五十  
年奏准火器營一切公費照前鋒護軍等營之

例於乾隆三十五年

特賞之生息銀兩內動用。年終奏銷。○嘉慶四年奏定。火器內外兩營。每月零費銀兩。永停坐扣。兵丁錢糧。亦照公用銀兩之例。由廣儲司生息銀內動用。年終奏銷。○十八年奏准。嗣後恭遇

皇帝宿

壇內營派官八員。弁兵一百六十名。外營派官六員。弁兵一百名。守護

齋宮。內營向由廣儲司領銀三十二兩。外營領銀二十兩。不敷之處。由閩營弁兵內公攢應用。○

道光二十三年議定。內火器營現拴馬八百七十二匹。內備操跑馬四百匹。備差馬四百匹。官拴馬七十二匹。今將備差馬四百匹暫裁。官拴馬七十二匹內。暫裁三十六匹。共裁馬四百三十六匹。出青裁撤馬二十八匹。在內下賸備操跑馬四百匹。官拴馬三十六匹。外火器營現拴馬一千五百匹。備操跑馬七百五十匹。備差馬七百五十匹。內現有辦公馬八十匹。實養備差馬六百七十匹。暫行裁汰外。並備操跑馬七十五匹。內。暫裁八十四匹。共裁馬七百五十匹。下



贖跑馬六百七十匹。辦公馬八十匹。內外兩營  
共計裁馬一千一百八十六匹。其餘馬一千一  
百八十六匹。留營以備兵丁操演馬上技藝。及  
分給兵丁拴養。再內外營所拴之馬。向例遇有  
圓差。由兵部行文調用。今經裁撤一半。除操演  
技藝。並仍留八旗辦公外。所餘官兵拴養馬匹。  
無多。嗣後

上駟院兵部遇差免其調用。至此項減撤馬匹。馬  
乾既裁。免其回交原拴養之馬。至將來添馬時。  
亦可毋庸再領。○咸豐十年。分拴內火器營察

哈爾馬一百匹。外火器營察哈爾馬二百匹。○  
同治八年。奏定實拴馬數養馬章程。各營額設  
差馬。技藝馬。應領乾銀。自本年二月起。每年總  
領一次。內火器營原設差馬技藝馬四百三十  
六匹。察哈爾馬一百匹。現歸併實養馬一百二  
十四匹。外火器營原設差馬技藝馬七百五十  
匹。察哈爾馬二百匹。現歸併實養馬二百二十  
五匹。兩營因製辦軍器件物用項較多。於實養  
馬數內。除照現在奏定章程。每十匹暫少養一  
匹外。仍於實拴馬數中。內火器營另外減拴馬

四匹計實養馬一百二十匹外火器營另外減  
拴馬九匹計實養馬二百十六匹餘出乾銀作  
為製辦鞴轡什物之用此項減拴之馬不按一  
年期限計算俟隨時斟酌籌補足額○又奏准  
遵照神機營奏定變通養馬章程將所領馬乾  
以銀三兩養馬一匹外火器營實養馬二百三  
匹前餘馬乾銀登記收存本營備隨時辦理養  
馬各事之用其分放養馬銀兩所贖尾零並暫  
少養馬之銀除製辦鞴轡外均存本營以備陸  
續補製○同治十三年奏准恭遇

皇帝宿

壇日派出弁兵支領銀兩不敷之處向由闔營公攬惟兵餉減成有年嗣後內營每次加領銀六十八兩外營每次加領銀八十兩仍有不敷於本營公費項下作正開銷將來糧餉復舊即將加領之數裁撤○光緒十一年裁察哈爾馬並將豫領馬乾銀兩繳回戶部

官學○嘉慶二十一年議准外火器營設立官學教習四名

左右翼各二名

三年期滿著有成效咨送

吏部照健銳營教習年滿例具題議敘其每月

應領錢糧亦照健銳營例俟坐補教習之日給予馬甲錢糧一分。

訓練操演火器 校射 合操 水操 軍

操演火器。○原定每年七月十六日開操遇閏

即於閏七月十六日開操次年四月十六日止操年節封印

止每月初四初九十四十九二十四二十九等

六日演礮初二初七十二十七二十二二十七

等六日演鳥槍。○康熙三十年

聖祖仁皇帝幸玉泉山巔

御黃幄八旗官兵排列施放槍礮以次進退畢總管鳥

槍騎兵內大臣等奏請近

御前試放。有馬上放一槍射一箭者。有趨進時放槍不絕者。有連環旋轉放槍者。有跪而放槍者。有仰臥而放槍者。

諭令趨進時放槍不絕。與連環旋轉者試放。遂令八旗鳥槍騎兵亦照此二種試放。○雍正五年。

諭火器營大臣等。火器營兵丁甚屬緊要。必於馬上勤加操練。始為有益。嗣後俱著於馬上操演學習。○乾隆十四年奏准。每年秋季奏請往盧溝橋演放子母礮十日。候

旨行。○十八年奏准。俟漢軍演放槍礮事畢。本營總  
統率參校兵丁往盧溝橋演放子母礮十日。開  
操第一日祭礮。由太常寺遵行。一應禮儀均與  
八旗漢軍火器營同。○二十四年議准。嗣後火  
器營操演槍礮。停止春季操演。秋季止演礮十  
次。演鳥槍三十次。○又奏准。八旗滿洲火器營。  
每年秋季出子母礮四十位。帶往盧溝橋演放  
五日。將該營大臣奏請。

欽點一員前往驗看。○三十五年奏准。礮手馬甲歸  
併火器營操演。礮房俱隸火器營管理。○又奏

在城內火器營。每歲春季操演鳥槍。礮減五次。操演五次。秋季操演鳥槍。礮減十次。操演十次。演礮。礮減五次。操演五次。每月馬上三槍。礮減三次。操演三次。○三十九年奏准。嗣後火器內外兩營。會同操演於德勝門外。鑲黃正黃兩旗教場內。春秋各會演一次。又城外新營。建置亭座。以備。

皇帝因便閱操。其該管大臣等閱操房屋。即於亭側蓋造。○四十年奏准。火器營移紮城外新營房。居住兵丁。皆照健銳營辦理。嗣後每歲春秋二



季皆令兵丁裝鉛丸打木牌演習準頭。每季五次。○嘉慶五年奏准城內火器營鳥槍隊伍春季操演十次。秋季操演二十次。○八年奏准添設步槍教習。操演步槍。○道光二十三年議准外火器營新添擡槍一百杆。將擡槍分為二十隊。隨鳥槍二百杆。長矛二百杆。交衝馬左右二隊各三十。共合成一字陣勢。本營鳥槍大隊向逢二五八日操演。每月九次。新演擡槍陣式。逢四七日按式操演六次。逢二日作為十隊歸入鳥槍大隊隨演。向來春秋二季。鳥槍演放鉛子。

每季十日。今擡槍演放鉛子。每季二十日。每日  
每槍五出。仍按春秋三九日演放。酌量鼓勵。其  
添買長矛堆壘土山。及添放公費置買鉛片。一  
切需用銀兩。在本營利息銀內動用。演放擡槍  
需用龍燧八杆。紅旗二十杆。並火藥等項。仍咨  
行工部照例領取。○咸豐九年奏准。大隊槍操  
外。酌添三陣。先將各旗官兵伏教場外。將臺前  
紅旗搖動。演第一陣。伏兵進隊式。第二陣。槍兵  
奮攻迎擊式。二陣演畢。即接演舊有之轉打擡  
槍式。五進擡槍式。連環擡槍。烏槍式。畢。再接演

第三陣長矛誘敵翻撲式。並馬槍出敵式。馬隊交衝式。將臺前藍旗搖動。八旗分為八隊。列成陣式。聽令撤隊。以上新添三隊。除本隊進攻外。另有接應隊伍。以繼其後。

校射。○原定。每月初六十六二十六三日校射。  
○乾隆五年

諭火器營甚屬緊要。馬上教習熟練。方為有益。凡屬滿洲。以騎射為根本。不可專習鳥槍。而廢騎射。兵丁在馬上。射箭放槍。著加意熟習。再兵丁內有自己養馬。學習鳥槍技藝。及勤謹效力。當差者。爾等即應當勉。

以優等記名。其或行走不及者，亦當誘之於善。教訓兵丁，須如教訓自己子弟，不可遽加苛責。若有下愚不移之人，或經再三教訓，仍然行止妄亂者，豈可留之京師。爾等當即行奏聞發遣。○二十九年議准。嗣後秋冬二季，除照舊操演槍礮列隊三十次外，照健銳營訓練之例，每月赴教場習步箭六日，馬箭六日，操演馬上三槍舞長槍過馬六日。餘日聚集公所學習清語，並演習諸技藝。○三十八年奏，火器營官兵操演鳥槍所需火藥等項過多，而步射騎射及馬上一切武藝，不得多演。

嗣後每月止操演鳥槍二十次奉

旨所奏甚是。兵丁等因宜操演鳥槍。然馬步射等項亦甚緊要。嗣後每月鳥槍操演十五日。馬步射武藝操演十五日。○又奏准於火器營南門藍靛廠後設小教場。以為兵丁早晚校射之地。

合操。○原定每年春秋八旗合操於安定門外兩黃旗教場。列陣操演。○康熙五十年定火器營合操陣式。八旗礮鳥槍護軍馬甲立十六營。距將臺百六十丈。正中列鑲黃。正黃兩旗。次六旗。按翼列隊。每營設帳幕。俟八旗官兵會集。距

將臺十丈。按左右翼各建令纛一為表。八旗掌海螺人等。分左右立將臺下。每旗鳥槍護軍在前。次礮手。次鳥槍馬甲。各序立將臺下。初次鳴螺。各整器械。二次鳴螺。按營結隊。三次鳴螺。出營。嚮將臺一字排列。頭旗放號槍。三臺下海螺出。距令纛十丈斜接。傳令海螺排列。將臺鳴螺。傳令海螺遞鳴陣內海螺。畢鳴螺止。乃進步施放槍礮九次。至第十次。礮與鳥槍連環施放。無閒。其坐作進止之節。均與

大同同。○雍正六年。奏定。

大閱規制。火器營總統五人。每旗燾二。執燾護軍四名。紅旗一。麾旗護軍二名。小旗十二。負小旗烏槍什長十二名。海螺十。鳴螺護軍十名。烏槍護軍參領二人。護軍校十四人。烏槍一百二十。護軍一百二十名。烏槍驍騎營。每旗燾二。執燾馬甲四名。紅旗一。麾旗馬甲二名。小旗十二。負小旗領催十二名。海螺十。鳴螺馬甲十名。參領二人。散秩官七人。驍騎校十四人。烏槍一百二十。馬甲一百二十名。礮驍騎營。每旗子母礮六。每礮小旗一。負小旗隨礮領催一名。馬甲九名。燾

一。執纛馬甲二名。參領一人。散秩官五人。以上  
總統五人。將校四百人。烏槍護軍九百六十名。  
烏槍領催九十六名。礮領催馬甲四百八十名。  
執旗鳴螺護軍領催馬甲二百七十二名。共兵  
二千八百六十四名。烏槍一千九百二十。海螺  
一百六十。纛四十。紅旗十六。小旗二百四十。  
乾隆三十九年奏定

大閱官兵數目。火器營總統五人。兩翼翼長各一人。  
每旗纛四。執纛護軍各八名。小旗各二十四。負  
小旗烏槍頭目各十二名。烏槍各二百四十。烏



槍護軍各二百四十名。紅旗各二。點旗護軍各四名。海螺各二十。鳴螺護軍各二十名。烏槍營總各一人。烏槍護軍參領各一人。副參領各一人。委參領各一人。烏槍護軍校各二十三人。藍翎長各十二人。烏槍頭目各十二人。按翼列於漢軍礮營之次。又每旗子母礮五位。礮手及掌礮甲兵各五十五名。執燾甲兵各二名。負旗礮長各五名。兼管礮營副烏槍護軍參領各一人。烏槍護軍校各五人。烏槍藍翎長各五人。按旗居中排列。以上共派大臣五人。將校五

百十四人。烏槍頭目一百九十二名。烏槍護軍一千九百二十名。執纛點旗鳴螺護軍二百五十六名。隨礮位負旗礮長四十名。礮手及掌礮甲兵四百四十名。執纛甲兵十六名。共兵二千八百六十四名。應用子母礮四十位。烏槍一千九百二十。海螺一百六十。纛四十。紅旗十六。小旗二百三十一。俟漢軍藤牌營舞藤牌畢。滿洲火器營內派執纛護軍六十四名。負旗藍翎長九十六人。負旗烏槍頭目九十六名。烏槍護軍一千九百二十名。點旗護軍三十二名。鳴螺護

軍一百六十名。翼長二人。烏槍營總八人。烏槍護軍參領副參領各八人。委參領三十二人。烏槍護軍校二百二十四人。烏槍藍翎長八十八名。烏槍頭目九十六名。共官六百十人。兵五千五百六十人。即進步連環施放。○嘉慶十七年大閱於南苑。兩翼隊交衝官兵。左翼以健銳營。右翼以外火器營。每翼出派官兵三百五十名。乘騎在前排列。鹿角既開。頭隊次隊各出鹿角外。交衝官兵。左翼在鑲白旗號纛下駐立。右翼在鑲紅旗號纛下駐立。俟頭隊官兵鳴螺前進後各

至原處排立。交衝官兵即馳馬交衝。○又奏准向來

大閱八旗前鋒護軍內火器營驍騎營共三十四營。此次增添健銳營外火器營官兵。將健銳營添入左翼外火器營。添入右翼共為三十六營。於大閱前期在仰山窪操演數次。後仍在

南苑操演數次。

水操。○乾隆三十九年奏定。新營房距昆明湖較近。一切應演水軍技藝之處。照健銳營一體操演。○又奏准火器營新營兵丁。操演水軍技

藝即交健銳營水軍把總等教授嗣後火器營與健銳營更換操演直班以備

皇帝親閱○道光六年奉

旨昆明湖戰船二隻現俱朽者即裁撤其水師營應裁實缺千總三員聽其自便如該弁等願回本省即咨回原籍營伍當差。儻不願回籍即交內務府酌議應撥何處奏明辦理其水手四十八名在京已久現有一百七十餘名口。若仍遣回原籍轉致失業。著加恩交內務府酌量安置妥議具奏於奉宸苑等處水手差使挑補錢糧以示體恤○光緒十二年復昆明

湖水操改隸神機營海軍衙門

軍器火器○康熙三十年定火器營烏槍護軍馬甲人各給烏槍一。八旗各給子母礮五。烏槍營每旗各給海螺十二。礮營每旗設海螺各五。

○又定火器營旗纛各按旗色。護軍用金龍三角纛。馬甲用金龍方纛。均頂飾豹尾。加白號帶。以為別。旗亦如之。甲冑護軍校護軍驍騎校馬甲均與八旗護軍驍騎營同。○乾隆二十八年奏准製給紅纓角幅纛三十二。旗四百四十二。

○嘉慶七年題准火器營所用之子母礮

二十八年更

換十年  
修理  
礮子據俱五年更換  
並隨礮之朝天燈提鈎

板橈墊板風火輪風火輪架小梯穿釘木榔頭

木銃子礮星輪套火藥葫蘆烘藥葫蘆錐針旗

子槍子刮子鎚鐵銼木銼二刃斧鐵鈎鉗子皮

裕褌口袋子匣墊氈子口袋礮衣龍袱素祇龍

油袱素油袱支杆馬刷子馱案槽鞞鞞嚼轄屈

攀胸肚帶踢胸肘棍過樑鞍籠鞞鞞俱二十年更換

修龍囊三年更換龍旗素囊素旗四年更換鳥槍二十年更換

年修棉甲二十年更換裏面俱由工部領取其隨

圓之帳房十年更換梅鍼箭五年更換號鑼小過堂號

衣。技藝。馬鞞。韉。騙馬鞞。韉。鐵鞭。木刀。長槍。撒袋。弓箭。槍牌。箭把。馬箭。帽子。令旗。損。跋。襪。襪。繩。俱由本營動用生息銀兩。隨時修理黏補。年終奏。

聞其官員所用之盔甲。撒袋。弓箭。腰刀。號衣。海螺。俱官員自備。兵丁所用之弓箭。腰刀。九龍袋。火藥。葫蘆。烘藥。葫蘆。藥管。號褂。俱兵丁自備。○嘉慶十八年

諭慎簡軍實。器械為先。全在鋒銳。堅利。方能殺敵。致果。著兩翼前鋒統領。八旗護軍統領。將紫禁城內例設



各項軍器逐一查點可用者若干。應行修理補造者若干。其各城門及各堆撥例設軍器並各營應用軍器。交八旗都統副都統步軍統領及管理圓明園暨火器營健銳營大臣等一體確查。據實具奏。○道光二十五年奏准。內外火器營添設銅帽槍數百杆。所有應用純鋼並配白雲藥硝磺。由戶工二部支領。升鏹水玻璃瓶。由造辦處官玻璃局燒做。自來彎槍。由吉林將軍採買。其餘應用直靶木鞘精鐵銅葉紋銀火酒及一切器具工食火耗均由本營自行籌款備辦。每年製造若干。

杆。量營內餘項多寡。陸續製造。所有領過純鋼  
硝磺玻璃瓶木鞘等項各若干。造成槍多少杆  
數目。統歸本營於年終奏銷摺內分析報銷。  
同治四年奉

旨。文祥等奏威遠隊需用火藥擬請用簡易之法。移交  
火器營試辦。當經諭令火器營王大臣。按照摺內所  
議各節。妥速籌辦。欽此。遵

旨。議定。外火器營距河道較近。若設立水碓水碾製造  
火藥。較之專用人力。可期事半功倍。惟初設水  
碓。應開挖水道。建蓋棚座。一切採辦拉運。甄石

木料所費甚繁。自應力求撙節。先行試辦。於西山三家店地方。查勘地勢。先支搭棚座一二所。暫行安設碓礮。壘壩引水。如法試造。查看每碓每日可造成藥若干。隨時體察。如果試辦合宜。再添蓋棚座。多設碓礮。現在暫行支搭棚座。應需硝磺等項。除由部庫領用外。其置辦傢具工食火耗。及備辦物料工價。由戶部捐銅局捐輸項下支領銀兩。以為試辦之用。○又奉

旨。所有磨石口迤西前房子地方華豐祖遺之此項地畝。即著查清四至。造冊交明管理火器營王大臣全

行入官。將設碓造藥之事。妥速籌辦。其該處地畝所得租息。即著作為製造火藥一切津貼等用。○又奉旨。火器營奏查收華豐地畝。試辦水碓。惟造藥之處。地勢居中。周圍俱係曲徑小路。拉運甓瓦等項。應需車輓。不得繞路行走。查五里邨觀音庵。迤西堪以開挖道路。即由此處平墊半里之遙。於往來拉運。實為便捷。請飭遵辦等語。著順天府劄飭宛平縣趕緊遵辦。並查明應用民地。按照例價彙報火器營。即由造藥項下撥給租息。以清款項。

職掌 守衛 扈從

守衛○原定每年封印後。每旗滿洲蒙古漢軍  
驍騎營。合內火器營官兵。於城內街道合添堆  
撥十。正陽門內設堆撥一。其餘各門內每旗設  
堆撥一。每處直班以官二人兵二十人。於開印  
後撤。○嘉慶十八年奏准。嗣後恭遇

皇帝宿

壇內外營應派官員兵丁守護

齋宮。內營每次出派。外營係與健銳營輪替宿衛。  
○十九年議准。嗣後恭遇

聖駕謁

陵自

啟鑿日起至

回鑿日止添設內火器營外火器營章京各一員在東華門外直班由該營大臣選派數員輪流進班遇有應需添調兵衛之處即飭該營直班章京馳往調撥並豫製調遣該營官兵象牙信牌交該章京持往以為符驗○又奏准嗣後恭遇

皇帝臨幸南苑由京派火器營章京四員兵一百名在

行宮圍牆外四面安設帳房每面帳房十架章京

二員。兵五十名。晝夜巡邏。○同治十一年奏准自本年冬季起。嗣後如遇

皇帝宿

壇內齋宮。所有外火器營官兵一百名。俱行派往。並添管營大臣一員。帶領直宿。

扈從。○乾隆二十九年議准。火器營隨從

皇帝行圍之章京等。仍穿本旗馬褂。其護軍校護軍等。著穿藍色鑲白邊馬褂。○四十三年奏准。火器營派出隨

駕官兵。嗣後添派翼長一員。以資彈壓。